



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De eadem re. xxiii.

**urn:nbn:de:hbz:466:1-10722**

domini: hic ipsi Christo commoritur. Ille cōfiteatur se mū-  
di actibus renunciaturum, hīc ipse renunciauit vitæ. Illi  
omnia peccata remittuntur, isti extinguuntur.

*Quod catechumenis sacramentum in Pascha dari  
non debeat. Cap. XVII.*

**I**tem placuit, vt per sollemnissimos Paschales dies sa- *Ex cōcil.*  
cramentum catechumenis non detur, ni solum salis, *Cartha-*  
quia si fideles per illos dies sacramentum non mutāt, nec *gi. cap. 5.*  
catechumenos oportet mutare.

*De catechumenis à baptisterio remouendis.*

*Cap. XVIII.*

**A**d baptisterium catechumeni nunquam admittendi *Ex cōcil.*  
sunt, nisi ipsi baptizentur. *Arausi-*

*De catechumenis segregandis, & informandis. co, ca. 17*

*Cap. XIX.*

**A** fidelium benedictione catechumeni, etiā inter do- *Ex eadē,*  
mesticos ordines, in quantum caueri potest, segregā- *cap. 18.*  
di, informandique sunt, vt se & signandos, vel benedicen-  
dos semotim offerant.

*De catechumenis peccantibus. Cap. XX.*

**C**atechumenus, si ingrediatur Ecclesiam, & in ordine *Ex cōcil.*  
ceorum, qui instruuntur, assistat, hic autem deprehen- *neocesa.*  
sus fuerit peccans, siquidem genu flectit, audiat, vt nō de- *cap. 6.*  
linquat vltorius. Si verò & audiens peccauerit, expellatur.

*De illis qui nuper sunt baptizati, quod promoueri  
non debeant. Cap. XXI.*

**D**e his qui nuper sunt illuminati baptismate, quod eos *Ex cōcil.*  
in sacerdotali non conueniat ordine promoueri. *Laodiēsi,*

*De presbyteris, si in trinitate iuxta præceptum domini  
non baptizauerint. Cap. XXII. cap. 3.*

**S**i quis episcopus aut presbyter iuxta præceptum domi *Ex cano-*  
ni non baptizauerit in nomine patris, & filii, & spiri- *ne aposto-*  
tus sancti, sed in tribus sine initio principiis, aut in tribus *lo.*  
filiis, aut in tribus paracletis abiiciatur.

*De eadem re. Cap. XXIII.*

**S**i quis episcopus aut presbyter, non trinam merfionem *Ex eadē.*  
vnius mysterii celebrauerit, sed semel mergit in bap-  
tismate, quod dari videtur in morte domini, deponatur: Nō  
enim dixit dominus: In morte mea baptizate, sed: Euntes

q

docete omnes gentes, baptizantes eos in nomine patris  
& filii, & spiritus sancti.

*Quod in baptismo, & in confirmatione, si necesse fuerit, vnus patrinus possit esse. Cap. XXIII.*

*Ex decr. Ygini pape, ca. 10.* **I**N catechumeno, & in baptismo, & in confirmatione vnus pater potest fieri, si necessitas cogit: non est tamen consuetudo Romana, sed per singula singuli suscipiunt.

*Vt vnus patrinus, vel patrina ad suscipiendum infantem accedat. Cap. XXV.*

*Ex decr. Leonis pape apud S. Medardum.* **V**T non plures ad suscipiendum de baptismo infantem accedant, quam vnus, siue vir, siue mulier. In confirmationibus quoque id ipsum fiat.

*Vt ille qui non est baptizatus, vel confirmatus, a baptismo nullum recipiat. Cap. XXVI.*

*Ex concil. Mogunt. cap. 2.* **I**N baptismo vel in chrismate non potest alium suscipere in filiū ipse qui non est baptizatus, vel confirmatus.

*Vt nullus patrinus fiat, nisi recte credat. Cap. XXVII.*

*Ex concil. Parisiensi, cap. 2.* **V**T nemo a sacro fonte aliquem suscipiat, nisi Orationem dominicam & Symbolum, iuxta suam linguam & intellectum teneat, & coram presbytero decantet, & intelligant omnes pactum, quod cum Deo pepigerunt.

*Vt presbyteri a patrinis requirant, si Symbolum teneant. Cap. XXVIII.*

*Ex concil. Vvomar. cien. 4. cap. 1.* **A**nnuncient presbyteri, vt neque viri, neque foeminae a sacro fonte filiolos, vel filiolas suscipiant, nisi memoriter Symbolum, & Orationem dominicam tenuerint.

*De Symbolo octo dies ante Pascha publice in omnibus Ecclesiis recitando. Cap. XXIX.*

*Ex concil. Agathensi, cap. 1.* **S**ymbolum etiam placuit ab omnibus Ecclesiis vnicuique id est, octo dies ante dominicam resurrectionem, publice in Ecclesia competentibus tradi.

*De gentilibus infirmis, si baptismum desiderat. Caput XXX.*

*Ex eodem concilio, cap. 3.* **G**entiles, si in infirmitate desiderauerint sibi manum imponi, si fuerint ex aliqua parte honesta vita, placuit eis manum imponi, & fieri Christianos.

*De grauidis baptizanda. Cap. XXXI.*

*Ex concil. Neocasa. cap. 6.* **G**rauidam oportet baptizari, quando voluerit. Nam Genim in hoc quæ parit nasceti comunicat, propterea quod vniuscuiusque propositum in confessione declaratum.